

3. gr.

Stofnfé sjóðsins er kr. 6000.00, sem nemendur brautskráðir frá skólanum 1947 og 1948, leggja fram.

Tekjur sjóðsins eru gjafir, sem honum berast.

4. gr.

Stjórn sjóðsins skipa skólastjóri Húsmæðrakennaraskóla Íslands, sem er formaður, einn fulltrúi tilnefndur af skólanefnd og einn fulltrúi tilnefndur af stjórn Nemendasambands Húsmæðrakennaraskóla Íslands.

5. gr.

Sjóðstjórn hefur heimild til að ráðstafa fé sjóðsins til kaupa á listaverkum skv. 2. gr.

6. gr.

Reikningsár sjóðsins er almanaksárið.

Reikningar hans skulu gerðir upp og endurskoðaðir á sama hátt og aðrir reikningar skólans.

7. gr.

Leita skal staðfestingar dómsmálaráðuneytis á skipulagsskrá þessari.

Nr. 185.

3. júní 1969.

Staðfesting forsetans á skipulagsskrá fyrir Þjóðviljann, útgefin á venjulegan hátt að mandatum af dómsmálaráðherra 3. júní 1969.

Skipulagsskráin er þannig:

SKIPULAGSSKRÁ

fyrir Þjóðviljann.

1. gr.

Sett skal á fót stofnun, sem hefur það að meginverkefni að gefa Þjóðviljann út sem dagblað í Reykjavík, samkvæmt nánari ákvæðum í skipulagsskrá þessari.

2. gr.

Stofnunin heitir Þjóðviljinn og skal vera sjálfseignarstofnun með heimili og varnarþingi í Reykjavík.

3. gr.

Þjóðviljinn skal vera mál gagn sósíalisma, verkalýðshreyfingar og þjóðfrelsis.

4. gr.

Eignir stofnunarinnar eru: Nafnið Þjóðviljinn, öll réttindi, vélar, tæki, áhöld, birgðir, hlutabréf og allar aðrar eignir, hverju nafni sem nefnast, að engu undanskildu, sem nú tilheyra Þjóðviljanum eins og hann var gefinn út af Sameiningarflokki alþýðu — Sósíalistaflokknum, sem nú hefur hætt störfum. Með eignum þessum og öllum öðrum eignum, sem Þjóðviljanum kunna að áskotnast síðar, ábyrgist stofnunin fjárhagsskuldbindingar sínar, auk annarra ábyrgða og trygginga, sem hún getur aflað sér, — sbr. 8. gr. Skuldir Þjóðviljans yfirtekur stofnunin allar.

5. gr.

Aðilar að stofnuninni eru eftirtalin félög:

1. Útgáfufélag Þjóðviljans, sem stofna skal af stuðningsmönnum blaðsins í því skyni að tryggja útgáfu dagblaðs samkvæmt þessari skipulagsskrá.
2. Miðgarður h.f. Reykjavík, enda stuðli hlutafélagið að útgáfu Þjóðviljans á sama hátt og það hefur gert frá upphafi.
3. Prentsmiðja Þjóðviljans h.f. Reykjavík, enda stuðli hlutafélagið að útgáfu Þjóðviljans á sama hátt og það hefur gert frá upphafi.

6. gr.

Stjórn stofnunarinnar skal skipuð níu mönnum tilnefndum af Útgáfufélagi Þjóðviljans og tveimur til viðbótar, sem tilnefndir eru af Miðgarði hf. og Prentsmiðju Þjóðviljans hf., einn frá hvoru hlutafélagi að uppfylltum skilyrðum 5. gr., eða samtals ellefu mönnum.

Stjórn stofnunarinnar ræður öllum málefnum Þjóðviljans, en innan stjórnar ræður einfaldur meiri hluti úrslitum mála.

Stjórnin er skipuð til eins árs í senn og skiptir hún sjálf með sér verkum. Halda skal hún gerðabók.

Stjórnin skipar ritstjórn Þjóðviljans og framkvæmdastjóra svo og fjármálaráð og aðrar starfsnefndir, ef þurfa þykir. Setur hún slíkum starfsmönnum sínum erindisbréf.

Til að skuldbinda stofnunina í umboði stjórnarinnar þarf undirskrift þriggja stjórnarmanna, en veita má stjórnin framkvæmdastjóra prókúruumboð.

7. gr.

Stjórnin skal halda bókhald yfir alla þætti útgáfustarfseminnar samkvæmt lögum og almennum venjum. Henni ber að afgreiða og undirrita reikningana á ársfundi sínum, en ársfund skal halda eigi síðar en í maímánuði ár hvert og þá að loknum fundi útgáfufélagsins. Áður en reikningar Þjóðviljans eru lagðir fyrir ársfund stofnunarinnar, þurfa þeir að vera endurskoðaðir af þremur endurskoðendum, sem skipaðir eru: einn af Útgáfufélagi Þjóðviljans, annar af Miðgarði hf. og þriðji af Prentsmiðju Þjóðviljans h.f. Enn fremur skal senda reikningana stjórnnum hlutafélaganna beggja og útgáfufélagsins áður en þeir eru lagðir fyrir ársfund stofnunarinnar og skulu endurskoðendur geta þess í athugasemdum sínum, hvaða undirtektir eða afgreiðslu þeir hafa hlotið þar. Starfsár og reikningsár Þjóðviljans er almanaksárið.

8. gr.

Útgáfufélag Þjóðviljans stendur sjálfstætt fyrir hvers konar félagsstarfsemi og fjáröflunarstarfsemi til styrktar og eflingar útgáfu Þjóðviljans. Útgáfufélagið leggur stofnuninni til tryggingar fyrir skuldbindingum hennar í formi takmarkaðra sjálfskuldarábyrgðaryfirlýsinga félagsmanna útgáfufélagsins. Enginn stjórnarmaður stofnunarinnar né félagsmaður í útgáfufélagi er skyldur að taka á sig meiri ábyrgðir en þær, sem fólgna eru í ofanefndum sjálfskuldarábyrgðaryfirlýsingum.

9. gr.

Stjórn stofnunarinnar getur breytt skipulagsskrá þessari nema 3. grein hennar, sem ekki má breyta. Einstakir félagsmenn og fundur í útgáfufélagi Þjóðviljans geta sent stjórn stofnunarinnar tillögur um breytingar á skipulagsskránni og er þá skylt að taka þær til umræðu þar og afgreiðslu. Ef stjórnin vill breyta skipulagsskránni, skal hún gera um það samþykkt að minnsta kosti einum mánuði fyrir ársfund og

tilkynna þá aðilum stofnunarinnar um samþykkt sína. Breytingin öðlast þá þegar gildi, er hún hefur verið samþykkt á ársfundi af nýkjörinni stjórn.

10. gr.

Leita skal staðfestingar stjórnvalda á skipulagsskrá þessari og síðari breytingum hennar og þinglýsa skal henni á varnarþingi stofnunarinnar.

Staðfesting forsetans á skipulagsskrá fyrir Willardssjóð útgefin á venjulegan hátt að mandatum af dómsmálaráðherra 3. júní 1969.

Skipulagsskráin er þannig:

SKIPULAGSSKRÁ

fyrir Willardssjóð.

1. gr.

Sjóðurinn heitir Willardssjóður og er stofnaður til minningar um Willard Matthías Kristjánsson frá Austurgörðum, móður hans Guðrúnu Þórnýju Jóhannesdóttur frá Krossdal og fósturu hans Kristjönu Haraldsdóttur frá Austurgörðum.

2. gr.

Stofnfé sjóðsins er um 30 000.00 krónur, enn fremur bókasafn um 400 bindi. Eigandi safnsins og sjóðsins skal vera Skóla- og félagsheimilið Skúlagarður og er heimili safnsins þar.

3. gr.

Árlegar tekjur sjóðsins skulu vera:

- a) vextir af höfuðstól,
- b) opinber framlög til bókasafnsins,
- c) söfnunar og gjafafé.

Helmingur vaxta skal árlega leggjast við höfuðstól, þar til sjóðurinn er orðinn 100 þúsund krónur. Eftir það leggist fjórði hluti vaxta við sjóðinn. Eftir að sjóðurinn hefur náð hálfri milljón króna, er það á valdi stjórnar hans hverju sinni að ákveða, hvort fórfundur vaxtanna leggst við höfuðstólinn og hve lengi.

Höfuðstól Willardssjóðs má aldrei skerða. Árlegir reikningar sjóðsins skulu endurskoðaðir af endurskoðanda Kelduneshrepps.

4. gr.

Tilgangur Willardssjóðs er að standa undir rekstri, aukningu og viðhaldi bókasafnsins samkvæmt nánari fyrirmælum í gjafabréfi frá stofnendum þess.

5. gr.

Stjórn sjóðsins skipa fimm menn eða konur, heimilisföst í Kelduhverfi, kosin til fjögurra ára í senn. Skulu þrjú þeirra kosin á almennum sveitarfundi, eitt á aðalfundi U.M.F. Leifs heppna og eitt á aðalfundi Kvenfélags Keldhverfinga. Hætti félag störfum, fellur kosning fulltrúa þess undir sveitarfund. Stjórnin skipti með sér störfum.